

1. Արթնացա մի օր Քո իսկ պարգևած արևի շողից
 Ու հանդիպեցի ինձ մահի տանող ահեղ փորձության,
 Բայց բարի սիրտդ, հոգատար ձեռքդ խղճաց ինձ վերից
 Եվ փայփայելով ու մեղմ շոյելով՝ տարավ փրկության:

Այդքանից հետո էլ ո՞ր գնամ ես, Հայր իմ գթառատ,
 Եվ արցունքներով ինչպե՞ս չլվամ վերքը ոտքերիդ,
 Աղաչում եմ Քեզ, ինձ մի՛ թույլատրիր կյանք շքեղ, առատ,
 Եթե մարմինս նորից կդառնա տաճար կուռքերի:

2. Այդ օրից ի վեր մի փափագ ունեմ, Փրկի՛չ, սիրելի՛ս,
 Հասնեմ Գողգոթա, ծնկաչոք փարվեմ ոտքերիդ գամված
 Հայացքս ուղղեմ տառապած դեմքիդ, Հիսո՛ւս, սիրելի՛ս,
 Ու Քո մեջ տեսնեմ նվաստիս անձը՝ մեղքից ազատված:

3. Եվ ահա կրկին Քո առջև գալով՝ թույլ ու անկարող,
 Կուզեմ ամեն օր իմ աղաչանքը Քեզ հայտնի լինի:
 Հավատք ու սեր եմ խնդրում Քեզանից, Ամենակարո՛ղ,
 Որ չմոռանամ արյանդ գործը, Հիսո՛ւս պաշտելի: (2)